



Pou Piblikasyon Imedya: 15/06/2023

GOUVÈNÈ KATHY HOCHUL

NAN MITAN KRIZ SANTE MANTAL JÈN IJAN AN, GOUVÈNÈ HOCHUL PIBLIYE KONKLIZYON TOUNE EKOUT NAN TOUT ETA A

Pibliye rapò rezime ki detaye etap pou adrese kriz sante mantal jèn yo, apre toune pou koute jèn yo atravè Eta New York la

Rapò ki pibliye nan premye somè Eta New York la sou sante mantal jèn yo nan Jacob Javis Center, ke plis pase 1,000 moun te patisipe

Ekspè yo te dirije panèl sou difikilte sikolojik ak emosyonèl adolesan ak enpak rezo sosyal

Done resan Sant Ameriken pou Kontwòl Maladi te pibliye a montre pou santaj swisid pamì gwooup laj ki gen 10-24 yo te atenn somè 20 ane an 2021

Gade rapò rezime a [isit la](#)

Gouvènè Kathy Hochul te pibliye jodi a konklizyon kle yon rapò rezime Toune pou Koute Jèn yo, ki te fèt nan konte yo nan tout eta a nan kòmansman prentan sa a, ki prezante konklizyon ak rekòmandasyon sou fason pou pi byen abòde kriz sante mantal jèn yo. Gouvènè a te pibliye rapò rezime a nan premye Somè Eta New York sou Sante Mantal Jèn yo nan Jacob Javits Center nan Vil New York, kote ekspè nasyonal sante mantal, defansè ak founisè jèn yo, paran ak moun k ap bay swen yo, lapolis espesyalis, edikatè, ak plis pase 1,000 patisipan te rejwenn li pou egzamine defi sante mantal san parèy anpil jèn moun fè fas.

"Izòlman ak ensètitid nou te fè eksperyans pandan pandemi COVID-19 la ap kontinye gen enpak sou jèn yo, ki te franchi etap enpòtan nan devlopman pandan peryòd enstab sa a", **Gouvènè Hochul te deklare**. "Epòk inyorans ak mank envestisman nan sante mantal la fini - li lè pou nou vin ajan chanjman ke timoun nou yo tèlman bezwen nan moman sa a. Mwen fyè pou m òganize somè istorik sa a ki rasanble lespri ki pi entelijan nan mond lan pou pataje lide, tande eksperyans jèn nou yo, epi kontinye mennen konvèsasyon enpòtan sa a pi devan".

Somè sou Sante Mantal Jèn yo te reyini lidè, ekspè, ak jèn yo pou diskite sou konklizyon yo nan [Rapò Rezime Toune pou Koute Jèn yo](#), ki enkli plizyè tèm jeneral tankou:

- Enpak pandemi an varye pamí jèn yo ak alavni.
- Jèn yo byen konprann benefis ak risk ki genyen nan rezo sosyal ak estrateji potansyèl pou sipòte itilizasyon an sante.
- Devlope relasyon pozitif ant kamarad ak konpetans sosyal se yon defi, epi jèn yo ap mande plizyè apwòch ki baze nan lekòl ak nan kominate a pou ede nan devlopman konpetans entèpèsonèl ak zanmitay.
- Jèn yo bay anpil valè a konfidansyalite, epi poukisa yo wè vi prive ak konfidansyalite te vyole, sa dekoraje jèn yo devlope koneksyon ak adilt epi chèche èd.
- Jèn yo prefere entèraksyon sante mantal ak adilt yo fè konfyans ki sanble ak yo (laj, demografi) epi yo rapòte yon pèsepsyón jeneral sou mank senpati ak sansiblite kiltirèl nan adilt yo.
- Jèn yo vle ogmante responsabilite pou lòt elèv, pwofesè ak règleman lekòl yo.

Dapre konklizyon ki soti nan Toune pou Koute Jèn yo ak diskisyón ki te fèt nan Somè Sante Mantal Jèn yo, plizyè rekòmandasyon jèn te parèt, tankou:

- Envesti nan resous kominotè pou lwazi ak pwomosyon byennèt mantal.
- Fòmasyon jèn yo apwouve sou navigasyon nan rezo sosyal yo.
- Ogmantasyon resous sante mantal ki gratis/bon mache, konfidansyèl, respekye ak kiltirèlman adapte.

Sant Ameriken pou Kontwòl Maladi (Center for Disease Control, CDC) te pibliye [nouvo done yo jis jodi a](#) ki montre ke pouvantaj swisid pamí gwoup laj 10-24 yo te atenn somè 20 ane an 2021. Nan kòmansman ane sa a, Sant Ameriken pou Kontwòl Maladi (CDC) a te soti [Sondaj sou Konpòtman Risk Jèn](#) li a, ki te jwenn tandans sante mantal ki alaman pamí jèn ki nan laj pou lekòl ant 2011 ak 2021 yo - espesyalman pamí ti fi adolesan yo. Apeprè yon tyè ti fi adolesan yo te konsidere komèt swisid seryezman an 2021, yon ogmantasyon 19 poustan pa rapò ak deseni anvan an; apeprè twa sou senk te santi yo tris oswa san espwa san rete an 2021; epi ki reprezante apeprè yon ogmantasyon 60 poustan pa rapò ak pouvantaj yo te anrejistre an 2011. Chirijyen Jeneral Etazini te pibliye tou dènyèman yon rapò sou "[Rezo Sosyal ak Sante Mantal Jèn](#)", ki egzamine dirèkteman enpak rezo sosyal yo sou timoun ak adolesan, jan yo gen rapò ak pwoblèm sante mantal ak byennèt.

Komisè Biwo Sante Mantal la, Doktè Ann Sullivan, te deklare, "Somè jodi a sou sante mantal jèn yo montre yon lòt fwa ankò angajman Gouvènè Hochul pran pou byennèt tout jèn Nouyòkè yo. Envestisman istorik li yo nan sistèm sante mantal eta a, epi sitou enterè li sou enkyetid ak bezwen jèn yo, pral amelyore anpil sante mantal ak byennèt plizyè milye timoun, jèn ak fanmi yo".

Komisè Pa Enterim nan Biwo Sèvis Timoun ak Fanmi (Office of Children and Family Services, OCFS) nan Eta New York, Suzanne Miles-Gustave, te deklare, "Rasanble dirijan ekspè ak klinisyen yo pou Somè jodi a ede retire estigma jèn nou yo ap lite kont yo sou defi sante mantal yo lè yo konnen Eta a pran angajman pou l vin pi gwo sistèm sipò yo. Nou rekonesan anvè Gouvènè Hochul paske li te dirije inisyativ sa a pou vrèman tandem vwa jèn nou yo, paske nou rekonèt pouvwa yo genyen pou mennen yon chanjman enpòtan nan fason nou konfwonte kriz sa a epi pou devlope solisyon konplè".

Rebecca Benghiat, ki se Prezidan ak Ofisyen Anchèf Operasyon nan Jed Foundation (JED), te deklare, "Kòm Gouvènè Hochul te pataje nan diskou li a, pa gen yon sèl bon solisyon pou adrese epidemi sou enkyetid sante mantal k ap grandi yo — men, nou bezwen aji kounye a. Nan non ekip nou an nan JED, nou bat bravo pou Gouvènè Hochul ak eta New York pou inogirasyon Somè Sante Mantal Jèn yo jodi a kòm yon premye etap ki nesesè anpil pou bay sante mantal jèn yo priyrite. Nan tout eta a, JED sipòte plis pase 463,000 elèv lekòl segondè ak etidyan atravè pwogram nou yo, pwoteje sante emosyonèl yo ak anpeche swisid. Nou kwè patenarya ak kolaborasyon se kle epi kanpe ansanm ak Gouvènè Hochul pou sipòte kreyasyon sistèm sekirite dirab — ak efikas — pou adolesan ak jèn adilt yo".

Cynthia Germanotta, Prezidan ak Ko-fondatris Born This Way Foundation, te deklare, "Nou tout dwe travay ansanm, avèk jèn moun yo alatèt, pou kreye komunitate ki an sekirite epi ki bay sipò sou entènèt ak an pèsòn. Jèn yo vle sipòte youn lòt epi yo trase wout pou yon avni pi briyan, nou jis bezwen ba yo sipò yo bezwen pou fè sa san danje. Fondasyon Born This Way onore pou li fè pati somè jodi a, ki te souliye ijans pou nou tout ankouraje eksperyans jèn yo, ba yo zouti ak resous yo bezwen pou yo rete an sekirite, epi travay avèk yo pou kreye yon mond ki pi janti ak pi vanyan".

Doktè Warren Ng, Prezidan Akademi Sikyatri Ameriken Timoun ak Adolesan, te deklare, "Somè sou Sante Mantal Jèn Gouvènè Hochul la rekonèt kriz nou genyen nan sante mantal timoun yo. Li amplifye efò nasional nou yo pou mete aksan sou bezwen ijan pou elaji ak divèrsifye mendèv nou an, sitou ogmante aksè nan gwoup ak komunitate defavorize ak minorite yo. Gouvènè Hochul lanse yon apèl pou nou pran aksyon odasye, ki vize kreye chanjman transfòmatè pou sipòte tout timoun, fanmi ak komunitate yo kounye a".

Doktè Mitch Prinstein, Direktè Syantifik nan Asosyasyon Ameriken Sikoloji, te deklare, "Fas a yon kriz sante mantal pou jèn yo, Eta New York ak Gouvènè Hochul ap dirije nasyon an avèk yon ajanda anbisye pou kenbe jèn yo an sekirite ak an sante. Jodi a reprezante yon gwo etap an avan avèk konvèrsasyon serye sou sa li pral egzise pou ede plizyè milyon jèn jwi anfans yo epi enpasyan pou avni yo ankò".

Bidjè ane fiskal 2024 Gouvènè a gen ladan yon [plan sante mantal 1 milya dola](#) sou plizyè ane ki fè investisman nan swen pou jèn ak fanmi, enkli sa ki annapre yo:

- 30 milyon dola pou agrandi sèvis sante mantal nan lekòl yo

- 10 milyon dola pou ranfòse pwogram prevansyon swisid pou jèn ki gen gwo risk yo
- 3.1 milyon dola pou ranfòse tretman pou moun ki gen pwoblèm ak manje
- 12 milyon dola pou pwogram ki ankouraje devlopman timoun piti ak tretman entèvansyon kriz nan kay pou timoun ak adolesan.

Ou ka jwenn plis enfòmasyon sou Somè Eta New York sou Sante Mantal Jèn yo [isit la](#).
Ou ka jwenn plis enfòmasyon sou travay Gouvènè Hochul sou sante mantal jèn yo [isit la](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)